

BESTELAKO XEDAPENAK

BERDINTASUN, JUSTIZIA ETA GIZARTE POLITIKETAKO SAILA

2766

EBAZPENA, 2022ko ekainaren 7koa, Giza Eskubide, Biktima eta Aniztasuneko zuzendariarena, zeinaren bidez epea irekitzen baita Euskal Autonomia Erkidegoko Ijito Herriaren erabateko sustapenerako eta partaidetza sozialerako Kontseiluaren Osoko Bilkuran parte hartzeko Eskaerak Jasotzeko Liburuan sartzeko eskaerak aurkezteko.

Azaroaren 25eko 289/2003 Dekretuaren bidez (2003ko abenduaren 5eko EHAA, 239. zk.), Euskal Autonomia Erkidegoko Ijito Herriaren erabateko sustapenerako eta partaidetza sozialerako Kontseilua sortu zen, eta dekretu horren IV. kapituluaren kontseilu horren Osoko Bilkurarako elkar-teen ordezkariak izendatzeko prozesua arautzen da.

Dekretu horren 15. artikulua araberak, ijitoen elkar-teen eta ijitoen aldeko elkar-teen ordezkariak izendatzeko prozesua antolatzeko, Kontseiluaren Osoko Bilkuran parte hartzeko Eskaerak Jasotzeko Liburua erabiliko da, eta hiru urtetik behin irekiko da, ezohiko arrazoirik egon ezean, liburu horretan sartzeko epea.

Familia Politikako eta Aniztasuneko zuzendariaren 2019ko ekainaren 7ko Ebazpenaren bidez (2019ko ekainaren 20ko EHAA, 116. zk.), elkar-teen ordezkariak izendatzeko azken prozesua zabaldu zenez, orain beste izendapen-prozesu bati ekin behar zaio eta Euskal Autonomia Erkidegoko Ijito Herriaren erabateko sustapenerako eta partaidetza sozialerako Kontseiluaren Osoko Bilkuran parte hartzeko Eskaerak Jasotzeko Liburuan sartzeko eskaerak aurkezteko epea finkatu behar da.

Emakumeen eta gizonen berdintasuna lortzeko eta emakumeen kontrako indarkeria matxistatik gabe bizitzeko otsailaren 18ko 4/2005 Legeari jarraikiz, erabakiak hartzeko gune guztietan emakumeen eta gizonen ordezkariak orekatua errespetatu behar da, eta pertsona anitzeko administrazio-organoei ordezkariak orekatutzat joko da, hain zuzen, sexu biek gutxienez % 40ko ordezkariak dutenean.

Berdintasun, Justizia eta Gizarte Politiketako Sailaren egitura organikoa eta funtzionala ezartzen duen urtarrilaren 19ko 12/2021 Dekretuaren 20. artikulua xedatutakoa betez, Giza Eskubideen, Biktimen eta Aniztasunaren zuzendariari dagokio izendapen-prozesu berria irekitzea eta parte hartzeko eskaerak aurkezteko epea jakinaraztea, EHAA-n argitaratuta.

Horren indarrez, honako hau

EBAZTEN DUT:

Lehenengoa.– Hamar eguneko epea irekitzea ijitoen elkar-teen eta ijitoen aldeko elkar-teen Euskal Autonomia Erkidegoko Ijito Herriaren erabateko sustapenerako eta partaidetza sozialerako Kontseiluaren Osoko Bilkuran parte hartzeko Eskaerak Jasotzeko Liburuan sartzeko eskaerak aurkezteko. Epea ebazpen hau Euskal Herriko Agintaritzaren Aldizkarian argitaratu eta hurrengo egunean hasiko da.

Bigarrena.– Parte hartzeko eskaerak azaroaren 25eko 289/2003 Dekretuaren eranskinean finkatutako ereduaren arabera izango dira, eta eskaerarekin batera, adostasun-agiria ere aurkeztu beharko dute, zeinaren bidez elkar-teen aho batez izendatu baitituzte Osoko Bilkuran ordezkariak

dituzten bokalak, edo guztien adostasuna lortzen ez bada, dekretu horren 7.2.d) artikulua-
ren paragrafoak aipaturiko abalak aurkeztu beharko dituzte.

Hirugarrena.– Parte hartzeko eskaerak Eusko Jaurlaritzaren Giza Eskubide, Biktima eta Aniztasun
Zuzendaritzara igorri behar dira, eta Administrazio Publikoen Administrazio Prozedura Erkidearen urria-
ren 1eko 39/2015 Legearen 16.4 artikuluan jasotako edozein modutan aurkez daitezke.

Laugarrena.– Euskal Autonomia Erkidegoko Ijito Herriaren Erabateko Sustapenerako eta Partai-
detza Sozialerako Kontseiluaren Osoko Bilkurarako elkarteen ordezkariak izendatzeko prozesua
Emakumeen eta gizonen berdintasuna lortzeko eta emakumeen kontrako indarkeria matxistarik
gabe bizitzeko otsailaren 18ko 4/2005 Legean xedaturikoaren arabera izango da, eta ordezkari-
ritza orekatutzat joko da, hain zuzen, sexu biek gutxienez % 40ko ordezkari-
ritza dutenean.

AZKEN XEDAPENA

Ebazpen honek Euskal Herriko Agintaritzaren Aldizkarian argitaratu eta biharamunetik aurrera
izango ditu ondorioak.

Vitoria-Gasteiz, 2022ko ekainaren 7a.

Giza Eskubide, Biktima eta Aniztasuneko zuzendaria,
MÓNICA HERNANDO PORRES.